

საპრედიქციო პროგნოზის კვლევა

III კვარტალი, 2022



საქართველოს ეროვნული ბანკი
National Bank of Georgia

საკრედიტო პირობების კვლევის მიზანი და მეთოდოლოგია

საქართველოს ეროვნული ბანკი 2013 წლიდან ატარებს საკრედიტო პირობების კვლევას. გამოკითხვა ონლაინ პლატფორმის საშუალებით ტარდება, ხოლო რესპოდენტებს საბანკო სექტორის მაღალი რგოლის მენეჯერები წარმოადგენენ. კვლევის მიზანს რესპოდენტებისაგან დაკრედიტების მიმდინარე და სამომავლო ტენდენციებზე ინფორმაციის მიღება წარმოადგენს. კერძოდ, კვლევა მოიცავს კითხვებს ფიზიკური და იურიდიული პირების სესხებზე მოთხოვნისა და დაკრედიტების საპროცენტო და არასაპროცენტო პირობების ცვლილებაზე, ასევე კითხვებს ამ ცვლილების გამომწვევი ფაქტორების შესახებ.

კითხვარი შედგება მხოლოდ ხარისხობრივი შეკითხვებისაგან და არ მოითხოვს რესპოდენტთა მხრიდან რაოდენობრივ შეფასებას. ინფორმაციის რაოდენობრივ ერთეულებში გარდაქმნისათვის გამოყენებულია საბალანსო სტატისტიკის მეთოდოლოგია. ინდექსი მერყეობს -100-დან 100-მდე. 100 აღნიშნავს, რომ გამოკითხულთა 100% აღიქვამს ტენდენციის მნიშვნელოვან გაუმჯობესებას. ინდექსი -100 აღნიშნავს, რომ რესპოდენტთა 100% მნიშვნელოვან გაუარესებას აღიქვამს. 0 აღნიშნავს, რომ ტენდენცია არ შეცვლილა გასულ კვარტალთან შედარებით. ინდექსის დათვლისას რესპოდენტთა პასუხებს თანაბარი წონა აქვთ მინიჭებული, განურჩევლად ბანკის ზომისა.

გამოკითხვის შედეგების ანალიზის საფუძველზე ყოველ კვარტალურად ქვეყნდება ანგარიში. გარდა კვლევის საბოლოო შედეგებისა, აღნიშნული ანგარიში მოიცავს ოფიციალურ სტატისტიკურ ინფორმაციას დაკრედიტების ტენდენციების შესახებ.

ამ ანგარიშში წარმოდგენილი მოლოდინები ასახავს მხოლოდ საკრედიტო პირობების კვლევის რესპოდენტთა შეფასებას დაკრედიტების მომავალ ტენდენციაზე და არა ეროვნული ბანკის წარმომადგენელთა მოლოდინებს.

საკრედიტო პირობების კვლევა

მოკლე შეჯამება.....	4
ბიზნესის დაკრედიტების პირობები და ტენდენციები.....	5
ფიზიკური პირების დაკრედიტების პირობები და ტენდენციები.....	9

დაგრამა 1. ბიზნეს სესხების მოთხოვნისა და საკრედიტო პირობების ცვლილება.....	5
დაგრამა 2. ბიზნეს სესხების საკრედიტო პირობების ცვლილებაზე მოქმედი ფაქტორები.....	6
დაგრამა 3. საპროცენტო განაკვეთები და ნარჩენი ვადიანობა ბიზნეს სესხებზე	7
დაგრამა 4. ბიზნეს სესხებში უმოქმედო და უარყოფილი სასესხო განაცხადების წილი.....	8
დაგრამა 5. ფიზიკური პირების სესხებზე მოთხოვნისა და საკრედიტო პირობების ცვლილება	9
დაგრამა 6. ფიზიკურ პირებზე გაცემული სესხების დაკრედიტების პირობების ცვლილებაზე მოქმედი ფაქტორები.....	10
დაგრამა 7. სესხის მომსახურეობის (PTI) და უზრუნველყოფის (LTV) კოეფიციენტების განაწილება.....	10
დაგრამა 8. ფიზიკურ პირებზე გაცემულ სესხების საპროცენტო განაკვეთები და ნარჩენი ვადიანობა....	11
დაგრამა 9. უმოქმედო და უარყოფილი სასესხო განაცხადების წილი ფიზიკურ პირებზე გაცემულ სესხებში	12

მოკლე შეჯამება


საკრედიტო პირობების კვლევის მიხედვით, 2022 წლის მესამე კვარტალში, წინა კვარტალთან შედარებით, ბიზნეს სესხებზე მოთხოვნა მცირედით შემცირდა. საბანკო სექტორის წარმომადგენლები მომდევნო კვარტალში ბიზნეს სესხებზე მოთხოვნის მცირედით ზრდას მოელიან. ამავე კვლევის მიხედვით, მესამე კვარტალში დაკრედიტების საპროცენტო და არასაპროცენტო პირობები ბიზნეს სესხებისთვის მცირედით გამკაცრდა, რაც მნიშვნელოვანწილად აშშ-ს ფედერალური სარეზერვო სისტემის და ევროპის ცენტრალური ბანკის მიერ მონეტარული პოლიტიკის გამკაცრებით და შედეგად, ფინანსური რესურსის ხარჯის ზრდით იყო განპირობებული. საბანკო სექტორის წარმომადგენლები მომდევნო კვარტალში უცხოური ვალუტით გაცემულ სესხებზე დაკრედიტების საპროცენტო პირობების მცირედით გამკაცრებას კვლავ ელიან, ხოლო არასაპროცენტო პირობების მნიშვნელოვანი ცვლილება მოსალოდნელი არაა.

საკრედიტო პირობების კვლევის მიხედვით, 2022 წლის მესამე კვარტალში, წინა კვარტალთან შედარებით, ფიზიკურ პირებზე გაცემულ სესხებზე მოთხოვნა მნიშვნელოვნად არ შეცვლილა. მომდევნო კვარტალში ფიზიკურ პირებზე გაცემულ სესხებზე მოთხოვნის მცირედით ზრდაა მოსალოდნელი. კვლევის მიხედვით, დაკრედიტების არასაპროცენტო პირობები ფიზიკურ პირებზე გაცემული სესხებისთვის მცირედით გამკაცრდა, რაც რეგულატორული ცვლილებებით იყო განპირობებული. საბანკო სექტორის წარმომადგენელთა აზრით, მომდევნო კვარტალში დაკრედიტების არასაპროცენტო პირობების მნიშვნელოვანი ცვლილება მოსალოდნელი არაა, ხოლო საპროცენტო პირობების მცირედი გამკაცრებაა მოსალოდნელი.

ბიზნესის დაკრედიტების პირობები და ტენდენციები

საკრედიტო პირობების კვლევის მიხედვით, 2022 წლის მესამე კვარტალში, წინა კვარტალთან შედარებით, ბიზნეს სესხებზე მოთხოვნა მნიშვნელოვნად არ შეცვლილა. საბანკო სექტორის წარმომადგენლები 2022 წლის მეოთხე კვარტალში ბიზნეს სესხებზე მოთხოვნის ზრდას ელიან. ეროვნული ბანკის ხელთ არსებულ მონაცემებზე დაყრდნობით, 2022 წლის მესამე კვარტალში, წინა კვარტალთან შედარებით, მცირე და საშუალო ბიზნეს სესხების ზრდამ 17% შეადგინა, ხოლო კორპორატიული სესხების გაწლიურებული ზრდის ტემპი¹ -2%-მდე შემცირდა, რაც ერთჯერადი მსხვილი დაფარვით იყო განპირობებული. ჯამურად, ბიზნეს სესხების პორტფელის ზრდა 4% იყო. ვალუტების ჭრილში ბიზნეს სესხების ზრდა მნიშვნელოვანწილად კვლავ ეროვნული ვალუტით გაცემულმა სესხებმა განაპირობა. მნიშვნელოვანია აღინიშნოს, რომ ბიზნეს სესხების ზრდა სექტორულ ჭრილში დიდ წილად ტრანსპორტისა და კავშირგაბმულობისა ენერგეტიკის სექტორების დაკრედიტებამ განაპირობა. საკრედიტო პირობების კვლევის მიხედვით, 2022 წლის მეოთხე კვარტალში ბიზნეს სესხებზე მოთხოვნის ზრდაა მოსალოდნელი (იხ. დიაგრამა.1).

დიაგრამა 1. ბიზნეს სესხების მოთხოვნისა და საკრედიტო პირობების ცვლილება²



წყარო: საკრედიტო პირობების კვლევა, სეზ.


2022 წლის მესამე კვარტალში, წინა კვარტალთან შედარებით, დაკრედიტების პირობები ბიზნეს სესხებისთვის მცირედით გამკაცრდა, რაც უცხოური ვალუტით გაცემული ბიზნეს სესხებისთვის საპროცენტო განაკვეთის გაზრდამ განაპირობა. დაკრედიტების პირობების მცირედი გამკაცრება ძირითადად ეკონომიკური ტენდენციებისა და ფინანსური რესურსის ხარჯის ზრდით იყო

¹ აღნიშნული მონაცემი ასახავს გაცვლითი კურსის ეფექტის გამორიცხვით, სეზონურად შესწორებული სესხების გაწლიურებულ ზრდას.

² საკრედიტო პირობებისა და მოთხოვნის ცვლილების ინდექსი მერყეობს -100-დან 100-მდე. 100 აღნიშნავს, რომ რესპოდენტების 100% აღიქვამს ტენდენციის მნიშვნელოვან გამკაცრებას/ზრდას; -100 აღნიშნავს მნიშვნელოვან შერბილებას/შემცირებას; 0 აღნიშნავს, რომ ტენდენცია არ შეცვლილა გასულ კვარტალთან შედარებით. 2021 Q4* ასახავს საბანკო სექტორის წარმომადგენლების მოლოდინებს 2022 წლის მეოთხე კვარტალზე.

განპირობებული (იხ. დიაგრამა 2). ეროვნული ბანკის ხელთ არსებულ მონაცემებზე დაყრდნობით, არასაპროცენტო პირობები, როგორცაა გირაოს მოთხოვნა და სესხის ვადიანობა, მნიშვნელოვნად არ შეცვლილა (იხ. დიაგრამა 3). საბანკო სექტორის წარმომადგენლები არასაპროცენტო პირობების მნიშვნელოვან ცვლილებას მომდევნო კვარტალშიც არ ელიან. რაც შეეხება საპროცენტო პირობებს, მცირედით გამკაცრება მნიშვნელოვანწილად აშშ-ს ფედერალური სარეზერვო სისტემის და ევროპის ცენტრალური ბანკის მიერ მონეტარული პოლიტიკის გამკაცრებით იყო განპირობებული. კერძოდ, ეროვნული ბანკის ხელთ არსებულ მონაცემებზე დაყრდნობით, სექტემბერში, ივნისთან შედარებით, საპროცენტო განაკვეთი თვის შიგნით ეროვნული ვალუტით გაცემულ მსხვილ ბიზნეს სესხებზე მცირედით შემცირდა და 14.4% შეადგინა. რაც შეეხება უცხოური ვალუტით გაცემულ სესხებს, სექტემბერში, ივნისთან შედარებით, ევროთი თვის შიგნით გაცემული კორპორატიული სესხებისთვის საპროცენტო განაკვეთი 0.4 პპ-ით, 7.1%-მდე, გაიზარდა, ხოლო დოლარით გაცემული სესხებისთვის 0.7 პპ-ით გაიზარდა და 8.7% შეადგინა. მცირე და საშუალო ბიზნეს სესხებისთვის, საპროცენტო განაკვეთი ეროვნული ვალუტით გაცემული სესხებისთვის, მცირედით 14.6%-მდე, გაიზარდა, რაც შეეხება უცხოური ვალუტით გაცემული სესხებს, ევროთი და დოლარით გაცემული სესხებისთვის საპროცენტო განაკვეთი მცირედით გაიზარდა და 6.0% და 7.4% შეადგინა, შესაბამისად (იხ. დიაგრამა 3). საკრედიტო პირობების კვლევის მიხედვით, გაიზარდა განაკვეთი ფიქსირებული განაკვეთით გაცემული უცხოური ვალუტის სესხებზეც. გამოკითხულთა აზრით, მომდევნო კვარტალში საპროცენტო განაკვეთი უცხოური ვალუტით გაცემული სესხებისთვის შესაძლოა მცირედით გაიზარდოს.


დიაგრამა 2. ბიზნეს სესხების საკრედიტო პირობების ცვლილებაზე მოქმედი ფაქტორები³



წყარო: საკრედიტო პირობების კვლევა

³ დიაგრამა საკრედიტო პირობების ცვლილებაში თითოეული ფაქტორის წილს ასახავს. დადებითი წილი მიუთითებს ფაქტორის წილს გამკაცრებაში, ხოლო უარყოფითი შერბილებაში.

დიაგრამა 3. საპროცენტო განაკვეთები და ნარჩენი ვადიანობა ბიზნეს სესხებზე ⁴



წყარო: სეზ.


2022 წლის მესამე კვარტალში უმოქმედო სესხების წილი ბიზნეს სესხებში მცირედით შემცირდა. მესამე კვარტალში, წინა კვარტალთან შედარებით, უმოქმედო სესხების წილმა ჯამურად ბიზნეს სესხებში, 5% შეადგინა. ვალუტების ჭრილში, მნიშვნელოვანია აღინიშნოს, რომ უმოქმედო სესხების წილი ეროვნული ვალუტით გაცემულ ბიზნეს სესხებში მცირედით შემცირდა და 3% შეადგინა. ხოლო აშშ დოლარით და ევროთი გაცემულ სესხებში უმოქმედო სესხების წილმა 7% და 5% შეადგინა, შესაბამისად (იხ. დიაგრამა 4). საკრედიტო პირობების კვლევის მიხედვით, საბანკო სექტორის წარმომადგენლები მომდევნო კვარტალში უმოქმედო სესხების წილის მნიშვნელოვან ცვლილებას არ მოელიან. საგულისხმოა, რომ ამ დროისთვის, ეროვნული ბანკის ხელთ არსებულ მონაცემებზე დაყრდნობით, კორპორატიული სესხების პორტფელის 5%, ხოლო მცირე და საშუალო ბიზნეს სესხების პორტფელის უმნიშვნელოდ მცირე რაოდენობა სესხის მომსახურების საშუალო პერიოდით სარგებლობს. გარდა ამისა, მნიშვნელოვანია აღინიშნოს, რომ 2022 წლის მესამე კვარტალში, წინა კვარტალთან შედარებით, რესტრუქტურირებული სესხების წილი ბიზნეს სესხებში 1.1 პპ-ით, 19.0%-მდე შემცირდა.

2022 წლის მესამე კვარტალში, წინა კვარტალთან შედარებით, უარყოფილი სასესხო განაცხადების წილი მსხვილ ბიზნეს სესხებში მნიშვნელოვნად არ შეცვლილა, ხოლო მცირე და საშუალო ბიზნეს სესხებში შემცირდა. მესამე კვარტალში, წინა კვარტალთან შედარებით, უარყოფილი სასესხო განაცხადების წილი მსხვილ ბიზნეს სესხებში მნიშვნელოვნად არ შეცვლილა და საშუალოდ 1% შეადგინა. რაც შეეხება მცირე და საშუალო ბიზნეს სესხებს, მესამე კვარტალში, წინა კვარტალთან შედარებით, უარყოფილი სასესხო განაცხადების წილი შემცირდა ეროვნული ვალუტით

⁴ საპროცენტო განაკვეთი და ნარჩენი ვადიანობა თვეებში თვის შიგნით გაცემულ მცირე და საშუალო და მსხვილი ბიზნეს სესხების ნაკადებზე.

გაცემული სესხებისთვის და საშუალოდ 13% შეადგინა, ხოლო უცხოური ვალუტით გაცემული სესხებისთვის მნიშვნელოვნად არ შეცვლილა და 6% იყო (იხ. დიაგრამა 4).

დიაგრამა 4. ბიზნეს სესხებში უმოქმედო და უარყოფილი სასესხო განაცხადების წილი




წყარო: სეზ.

ფიზიკური პირების დაკრედიტების პირობები და ტენდენციები

საკრედიტო პირობების კვლევის მიხედვით, 2022 წლის მესამე კვარტალში, წინა კვარტალთან შედარებით, ფიზიკურ პირებზე გაცემულ სესხებზე მოთხოვნა მნიშვნელოვნად არ შეცვლილა. მომდევნო კვარტალში ფიზიკურ პირებზე გაცემულ სესხებზე მოთხოვნის მცირედით ზრდაა მოსალოდნელი. კერძოდ, ეროვნული ბანკის ხელთ არსებულ მონაცემებზე დაყრდნობით, მესამე კვარტალში, წინა კვარტალთან შედარებით, ფიზიკურ პირებზე გაცემული სესხების გაწლიურებულმა ზრდის ტემპმა⁵ 16% შეადგინა (იხ. დიაგრამა 5). ვალუტების ჭრილში ფიზიკურ პირებზე გაცემული სესხების ზრდა მნიშვნელოვანწილად ეროვნული ვალუტით გაცემულმა სესხებმა განაპირობა. მნიშვნელოვანია აღინიშნოს, რომ მესამე კვარტალში უცხოური ვალუტით დაკრედიტების გაწლიურებული ზრდის ტემპმა -0.1% შეადგინა. საბანკო სექტორის წარმომადგენლები მომდევნო კვარტალში ფიზიკურ პირებზე გაცემულ სესხებზე მოთხოვნის მცირედით ზრდას კვლავ მოელოან.

დიაგრამა 5. ფიზიკური პირების სესხებზე მოთხოვნის და საკრედიტო პირობების ცვლილება⁶



წყარო: საკრედიტო პირობების კვლევა, სეზ.

2022 წლის მესამე კვარტალში ფიზიკურ პირებზე გაცემული სესხებისთვის დაკრედიტების არასაპროცენტო პირობები მცირედით გამკაცრდა. აღნიშნული გამკაცრება მნიშვნელოვანწილად ეკონომიკური ტენდენციებისა და რეგულატორული ცვლილებებით არის განპირობებული. კერძოდ, 16 აგვისტოდან, სამომხმარებლო სესხების მაქსიმალური ვადა, დროებით, 4-დან 3 წლამდე შემცირდა⁷. ეროვნული ბანკის ხელთ არსებულ მონაცემებზე დაყრდნობით, 2022 წლის მესამე კვარტალში, წინა კვარტალთან შედარებით, სესხის ვადიანობა შემცირდა როგორც ეროვნული, ისე უცხოური ვალუტით გაცემული სესხებისთვის. ამასთან, სესხის მომსახურების (PTI) კოეფიციენტი მცირედით შემცირდა, ხოლო სესხის უზრუნველყოფის (LTV) კოეფიციენტი


⁵ აღნიშნული მონაცემი ასახავს გაცვლითი კურსის ეფექტის გამორიცხვით, სეზონურად შესწორებული სესხების გაწლიურებულ ზრდას.

⁶ იხ. დიაგრამა 1-ის მეორე შენიშვნა.

⁷ <https://nbg.gov.ge/fm>


მნიშვნელოვნად არ შეცვლილა. მთლიანობაში დაკრედიტების პირობები მცირედით გამკაცრებულია (იხ. დიაგრამა 7-8).

დიაგრამა 6. ფიზიკურ პირებზე გაცემული სესხების დაკრედიტების პირობების ცვლილებაზე მოქმედი ფაქტორები ⁸



წყარო: საკრედიტო პირობების კვლევა

დიაგრამა 7. სესხის მომსახურეობისა (PTI) და უზრუნველყოფის (LTV) კოეფიციენტების განაწილება




წყარო: სეზ.

საპროცენტო განაკვეთები ფიზიკურ პირებზე ეროვნული ვალუტით გაცემული სესხებისთვის მცირედით შემცირდა. კერძოდ, სექტემბერში, ივნისთან შედარებით, ეროვნული ვალუტით გაცემული სამომხმარებლო სესხებისთვის საპროცენტო განაკვეთი 0.4 პპ-ით, 18%-მდე,

⁸ იხ. დიაგრამა 2-ის შენიშვნა.

შემცირდა, ხოლო იპოთეკური სესხებისთვის საპროცენტო განაკვეთი მნიშვნელოვნად არ შეცვლილა და 12% შეადგინა. რაც შეეხება უცხოური ვალუტის სესხებს, საპროცენტო განაკვეთი აშშ დოლარით გაცემული იპოთეკური სესხებისთვის 0.1 პპ-ით, 6.3%-მდე, გაიზარდა, ხოლო ევროთი გაცემული სესხებისთვის მნიშვნელოვნად არ შეცვლილა და 5.2% იყო (იხ. დიაგრამა 8). გამოკითხულთა აზრით, მომდევნო კვარტალში ეროვნული და უცხოური ვალუტით გაცემული იპოთეკური და სამომხმარებლო სესხების საპროცენტო პირობების მცირედი გამკაცრებაა მოსალოდნელი.

დიაგრამა 8. ფიზიკურ პირებზე გაცემული სესხების საპროცენტო განაკვეთი და ნარჩენი ვადიანობა⁹



წყარო: სეზ.


2022 წლის მესამე კვარტალში, წინა კვარტალთან შედარებით, უმოქმედო სესხების წილი ფიზიკურ პირებზე გაცემულ სესხებში მნიშვნელოვნად არ შეცვლილა. კერძოდ, ეროვნული ბანკის ხელთ არსებულ მონაცემებზე დაყრდნობით, უმოქმედო სესხების წილი იპოთეკურ და სამომხმარებლო სესხებში მნიშვნელოვნად არ შეცვლილა და 3% და 5% შეადგინა, შესაბამისად. ვალუტების ჭრილში, მნიშვნელოვნად არ შეცვლილა უმოქმედო სესხების წილი უცხოური ვალუტით გაცემულ იპოთეკურ სესხებში. კერძოდ, ევროთი გაცემულ იპოთეკურ სესხებში უმოქმედო სესხების წილმა 3%, ხოლო დოლარით გაცემულ იპოთეკურ სესხებში უმოქმედო სესხების წილმა 4% შეადგინა. რაც შეეხება ეროვნული ვალუტით გაცემულ იპოთეკურ სესხებს, უმოქმედო სესხების წილი მნიშვნელოვნად არ შეცვლილა და 3% შეადგინა (იხ. დიაგრამა 9). საბანკო სექტორის წარმომადგენლები მეოთხე კვარტალში უმოქმედო სესხების წილის მცირედი შემცირებას მოელიან. გარდა ამისა, მნიშვნელოვანია აღინიშნოს, რომ 2022 წლის მესამე კვარტალში, წინა კვარტალთან შედარებით, რესტრუქტურისებული სესხების წილი ფიზიკურ პირებზე გაცემულ სესხებში 0.6 პპ-ით, 6.9%-მდე, შემცირდა, რაც მნიშვნელოვანწილად

⁹ საპროცენტო განაკვეთი და ნარჩენი ვადიანობა თვეებში ფიზიკურ პირებზე თვის შიგნით გაცემულ სესხების ნაკადებზე.

პორტფელის ზრდისა და შინამეურნეობების ეკონომიკური მდგომარეობის გაუმჯობესების შედეგია. აღნიშნული მაჩვენებელი 2021 წლის მესამე კვარტალთან შედარებით 2.1 პპ-ით არის შემცირებული, რაც ფიზიკურ პირებზე გაცემულ სესხების პორტფელის ხარისხის გაუმჯობესებაზე მიუთითებს.

2022 წლის მესამე კვარტალში უარყოფილი სასესხო განაცხადების წილი ფიზიკურ პირებზე გაცემულ სესხებში შემცირდა. კერძოდ, მესამე კვარტალში, წინა კვარტალთან შედარებით, უარყოფილი სასესხო განაცხადების წილი სამომხმარებლო სესხებში შემცირდა და 41% შეადგინა. რაც შეეხება იპოთეკურ სესხებს, ეროვნული ვალუტით გაცემულ სესხებში უარყოფილი სასესხო განაცხადების წილი 18%-მდე შემცირდა, ხოლო უცხოური ვალუტით გაცემულ იპოთეკურ სესხებში უარყოფილი სასესხო განაცხადების წილი 19%-მდე შემცირდა (იხ. დიაგრამა 9).

დიაგრამა 9. უმოქმედო და უარყოფილი სასესხო განაცხადების წილი ფიზიკურ პირებზე გაცემულ სესხებში



წყარო: სეზ

პასუხისმგებლობის შეზღუდვის განაცხადი

ანგარიში მომზადდა საქართველოს ეროვნული ბანკის ფინანსური სტაბილურობის დეპარტამენტის ფინანსური სტაბილურობის პოლიტიკის ანალიზის განყოფილების მიერ. ამ ანგარიშში წარმოდგენილი მოლოდინები ასახავს მხოლოდსაკრედიტო პირობების კვლევის რესპოდენტთა შეფასებას დაკრედიტების მომავალ ტენდენციაზე და არა ეროვნული ბანკის წარმომადგენელთა მოლოდინებს. ანგარიშში წარმოდგენილი სტატისტიკა დაკრედიტების მიმდინარე ტენდენციაზე განკუთვნილია მხოლოდ მიმდინარე ანალიტიკური მიზნებისთვის, რადგანაც აქ წარმოდგენილი ზოგიერთი მონაცემი შესაძლოა დაექვემდებაროს პერიოდულ გადახედვას და შესაბამისად, ისინი შეიძლება შეიცავდეს გაზომვის ცდომილებებს. მიუხედავად იმისა, რომ ყველა ზომამიღებული მონაცემთა დროულად, კორექტულად და სრულყოფილად წარმოსადგენად, საქართველოს ეროვნული ბანკი არ იძლევა გარანტიას მონაცემთა სრულ სიზუსტეზე. მიმოხილვაში გამოქვეყნებული ზოგიერთი მონაცემი შესაძლოა განსხვავდებოდეს ეროვნული ბანკის ვებ-გვერდზე "სტატისტიკის" რუბრიკაში გამოქვეყნებული მონაცემებისგან, რადგანაც გაანგარიშებებში გამოყენებულია საზედამხედველო მონაცემები.

მონაცემები წარმოდგენილია 30/9/2022-ის მდგომარეობით.

დამატებითი კითხვებით შეგიძლიათ მიმართოთ ელენე ღვინიაშვილს

ელ-ფოსტა: Elene.Gviniashvili@nbg.gov.ge ტელ: (+995) 595 511512



საქართველოს ეროვნული ბანკი
National Bank of Georgia

საქართველო, თბილისი 0114, სანაპიროს 2

(995 32) 2 406 406

info@nbg.ge; www.NBG.ge